



Crisis Theologica

Cárdenes, Juan de

Sevilla, 1687

Dissertatio IV. An licitum sit sequi in praxi opinionem tenuiter probabilem?

[urn:nbn:de:hbz:466:1-75689](#)

contradicente Sempronio, contra hoc decretum procedet Iudex negando eam terminum. Secus in illis præparatorijs actibus, qui non sunt in præjudicium probabile partium.

63. Probatur assertio. Nullum enim est verbum in hac damnatione, quæ illam limitet ad solam sententiam potissimum causæ, ut clare constat ex illis verbis, *Iudicem posse iudicare iuxta opinionem etiam minus probabilem*; id autem verbum iudicare universalissimum est ad decidendum quacumque litem, aut quemcumque ~~litis~~ articulum, super quo est controversia partium.

64. Confirmatur. Hæc enim damnatio eo respicit, ut semper Iudex suffragetur iuri meliori, & probabilitori partis alterutrius: sed in actibus interlocutorijs potest inveniri ius melius, & probabilius vnius partis: ergo etiam in his debet intelligi hæc damnatio.

DISERTATIO IV.

An licitum sit sequi in præci opinionem tenuiter probabilem?

CAPVT I.

Opinio damnata proponitur; & an per illam damnetur doctrina de opinione minus probabili sequenda.

SVMMARIVM.

*Qui senserint, hic damnari electionem opinionis minus probabilis? n. 2
Potest opinio esse valde probabilis, & minus probabilis, quam opposita num. 3.
Ex hoc ipso decreto convincitur falsitas eius asserti. n. 4,*

1. Tertia propositio ex damnatis à SS. D. Innocentio hæc est: *Generatim dum probabilitate, sive intrinseca, sive extrinseca, quantumvis tenui, modo à probabilitatis finibus non exeat, confisi, aliquid agimus, semper prudenter agimus.* In quibus verbis excludit Romana Cathedra probabilitatem tenuem à regimine conscientiæ, ita ut nemo intelligatur operari prudenter, si tenui probabilitate nitatur.

2. Sed quid sit hæc tenuis probabilitas, opera pretium est discutere. Wilhelmus Sandæus in eo libro, qui *Sand.* inscribitur *Confutatio trium virorum*, circa hanc tertiam propositionem damnatam refert, Tabularium Gallicum (laryati nominis) credidisse, damnatam esse à Pontifice sententiam communem Theologorum afferentium, posse deduci ad praxim quamlibet opinionem probabilem, etiam minus probabilem, & minus tutam materialiter, quasi omnis opinio minus probabilis, & minus tutam materialiter sit tenuiter probabilis. Et hunc esse sensum damnationis ideo ille assertuit, vt atribueret Jesuitis propositionem damnatam, quasi soli Jesuitæ, ex quibus tres dunataxat numerat, docuerint, posse nos sequi opinionem minus probabilem, & minus tutam materialiter, scilicet extra materiam de valore Sacramenti.

3. Id tamen esse falsum, manifeste convincitur primo. Potest enim una opinio esse minus probabilis, & tamen eius probabilitas esse magna. Sic enim fulgor Lunæ est minor fulgere Solis; & tamen stolidum esset, & contra modum loquendi Sacrae Scripturæ, dicere fulgorem Lunæ esse tenuem. Nam Genes. 1. dicitur: *Fecitque Deus duo luminaria magna: luminare matutinum, ut præasset diei, & luminare minus, ut præasset nocti;* & *Stellas.*

Vbi

PROPOSITIO III.

227

Vbi notandum est, Lunam dici Luminare magnum ob maiorem Lucis splendorem, non ob quantitatem, quæ minor est quantitate aliarum Stellarum. Sed numquid quia Luna est luminare minus, affirmabimus, perperam dictum esse, *duo lumina magna?* Absit. Sic similiter dicendum est, esse posse duas opiniones oppositas magnæ probabilitatis, quarum favorabilior sit minus probabilis strictiore. Ergo ex eo quod vna opinio sit minus probabilis, quam opposita, non infertur, quod illa sit tenuiter probabilis.

4. Convincitur secundo ex hoc ipso decreto. In illo enim damnantur aliqua propositiones modales de modo *Probabile*, ita propositio 57. *Probabile est, sufficere attritionem naturalem, modo honestam.* Et propositio 44. *Probabile est, non peccare mortaliter, qui imponit falsum crimen alicui, ut suam iustitiam, & honorem defendat.* Eiusdem Ordinis sunt propositiones secunda, sexta, & trigesima quinta. Iam vero si hoc decretum damnat omnem propositionem vere probabilem, quæ sit minus probabilis opposita, non est cur damnentur illæ modales de modo *probabile*. Quod clare ostenditur. Nam si opinio minus probabilis damnatur, non sufficit ad proxim, quod opinio sit probabilis, sed requiriatur, quod sit probabilior. Cū ergo hoc decretum intendat removere à praxi Fidelium has opiniones, *tamquam scandalosas, & in praxi pernicio-
jas*, vt dicitur in pœmio Decreti; & opinio, quæ non dicit, id esse probabilius, sed solum dicit esse probabile, non posset deduci ad proxim, si damnaretur opinio minus probabilis; dum opinio non dicit, id esse probabilius, atque adeo practicable, non est cur damnetur. Atqui re ipsa damnatur ex propositiones modales de modo *Probabile*; quia non sunt practice proba-

biles: ergo non damnantur opiniones vere probables, quamvis sint minus probables oppositis.

5. Convincitur tertio. Nam si Sacra Congregatio vellet damnare assertum de opinionē minus probabili admittenda ad proxim, quanto facilius esset id assertum per suos terminos formales damnare, quam per id circumloquium de tenuiter probabili, quæ à probabilitatis finibus non exeat? Signum ergo manifestum est, non fuisse intentionem Sacrae Congregationis damnare proxim opinio-
nis minus probabilis.

6. Confirmatur. Nam loquendo de Iudice, clare expressit damnationem opinionis, quæ afferit, Iudicem sequi posse opinionem probabilem. Quam ergo meliorem occasionem habere potuit ad damnandam pro omni casu minorem probabilitatem, si eam damnare velle?

7. Convincitur quarto. Nam demus, esse dubium, an in damnatione huius tertiae propositionis includatur damnatio doctrinæ admittentis opinionem minus probabilem ad proxim. Nefas enim est, quod privatus Doctor velit recensere inter propositiones damnatas propositionem, de cuius damnatione dubitatur. In dubio enim nemo damnatur; immo vero in Iure solemine est, in dubio standum esse pro reo.

8. Convincitur quinto. Etenim in dubio nemo potest spoliari sua possessione: sed opinio vere probabilis quæ minus probabilis est, & minus tuta (extra materiam valoris Sacramentorum) est in quasi possessione practicabilitatis apud fere omnes Theologos: ergo ex eo, quod unus vel alter moveat dubium de damnatione illius, non est spolianda sua possessione. Vbi notandum est, quod sœpe inculcavimus, impropter vocari minus tutam, quia formaliter

Ff 2

est

est tutissima, & solum dicitur materialiter minus tuta, propterea quod exponitur peccato materiali, vt explicui in 1. & 3. part. Cris. Theologicae.

9. Sexto denique convincitur ijs omnibus, quibus infra probabo, opinionem probabiliter probabilem non incurrire damnationem huius tertiae propositionis.

CÁPVT II.

An doctrina de opinione probabili sequenda incurrat hanc damnationem?

SVMMARIVM.

Damnari opiniones probabiliter probabiles aliqui censem. n. 10. & 14.

Argumenta quibus moventur. n. 11. & leqq.

Lumb. 10. R Aymundus Lumbier tom. 3.

Summa à num. 1737. distinguit duplex genus opinionum probabilem; eo quod aliae sint certo probabiles, & aliae sint probabiliter probabiles. Nam circa alias opiniones formamus indicium certum de probabilitate carum; circa alias vero non possumus formare iudicium certum, sed dumtaxat probabile de ipsa probabilitate carum, idque asserit tam de probabilitate intrinseca, quam de extrinseca. Quam distinctionem quidam Recentiores prius docuerant. Docet ergo, posse nos vti ad praxim opinionem certo probabili; non vero ea, quae est probabiliter probabili. Et concludit, in hoc decreto, nomine tenuis probabilitatis intelligi opinionem, quae non est certo probabili; sed probabiliter probabili.

11. Quas vero opiniones conti-

neat hic Author sub nomine probabiliter probabilem; ex eius argumentis colligitur. Igitur opinioes tenuiter probabilis, de quibus loquitur decreto, esse eas, quae solum sunt probabiliter probabiles, sic probat primo. Quia qui operatur ex opinione probabiliter probabili, non reddit se tutum, quod non peccabit, immo re ipsa formidat, an re ipsa peccabit: agnoscensque periculum peccandi, illud amplectitur: ergo illud dictamen conscientiae non est certum, sed quasi dubium: ergo peccat operando cum eo dubio praetico: ergo merito intelligitur dannata ea opinio probabiliter probabilis sub nomine tenuis probabilitatis.

12. Probat secundo illo exemplo Guilielmi Episcopi Parisiensis, cui apparuit quidam Cancellarius Parisiensis affirmans, se in eternum damnatum ex tribus causis; quarum una erat, vt ipse dixit: *Contra sententiam plurimorum de pluralitate beneficiorum, quasi lice tenebendorum, opinionem propriam defensavi; & in hoc me periculo mortalis culpe commisi.* Sed prius ante mortem suaserat ei praedictus Episcopus, vt unum beneficium retinens reliqua renunciatet: respondebatque Cancellarius: *Experiar, an sit damnabilis opinio de retentione plurium beneficiorum.* Ex quo colligit Lumbier, Cancellarium formidasse de probabilitate opinionis, atque adeo exposuisse se periculo peccandi: id autem est sequi opinionem probabiliter probabilem: ergo peccat, qui talem opinionem sequitur. Alia exempla refert ad idem propositum.

13. Probat tertio. Nam vt quis non peccet, non sufficit formare iudicium probabile, quo probabiliter censem, se non peccare; sed requiritur iudicium certum, quo censem, se in tali operatione non peccaturum: sed qui sequitur opinionem probabiliter pro-

ba

babilem, non potest certo sibi persuadere, se non peccare; quin potius format iudicium solummodo probabile, quod re ipsa non peccabit: ergo qui sequitur opinionem probabiliter probabilem, peccat.

Filgu. 14. Eadem via graditur Emmanuel de Filguera in Lucerna decretali in expositione huius tertiae propositionis assertens, tenuem probabilitatem consistere in eo, quod opinio sit probabiliter probabilis. Sic enim loquitur? [Opinio probabiliter probabilis habet tenuem probabilitatem respectu opinionis certo probabilis; sicut probabile est quid tenuer respectu certi: ergo tenuis probabilitas cognoscitur in hoc, quod est esse tale probabiliter. Quodnam autem discrimen inter opinionem certo probabilem, & probabiliter probabilem versetur, cursim aperiam. Nam probabilitas certo probabilis desumitur, quando est intrinseca ex fundamentis, quibus inititur, vel ex Doctoribus, si existat extrinseca, qui eam tinentur, imo & ex contrariis eam probabilem vocantibus. Vnde talis opinio certitudinem tribuit sive eam sequenti, sive consulenti, quod sit probabilis: quae certitudo habetur ex cognitione, qua noscit sequens, aut consulens, certam esse eius probabilitatem. Alias enim si talem cognitionem non haberet, conscientiam certam non posset efformare, sed dubiam, & omnino formidantem, peccandi periculo expositam, quia nec assensus est prudens, neque electio. Probabilitas probabiliter talis desumitur communiter ex paucis Doctoribus eam opinioni tribuentibus, sed ab alijs plerumque probabilis non censetur. Quare praedicta opinioni probabiliter talies est adhærente, quia prudenter quis nequit certum dictamen concipere ad operandum, sed solum dubium, insufficiens ad opus licite exercendum.] Hucusque Filguera. Con-

veniunt ergo Lumbier, & Filguera in eo, quod damnatae manent per hoc decretum opiniones, quae non sunt certo probabiles, sed dumtaxat probabiliter probabiles.

CAPVT III.

Reffellitur præcedens dicendi modus.

SVMMARIVM.

Epithetum tenuis adiunctum probabilitati est additum diminuens. n. 15.

Hi duo termini Probabilitas tenuis involvunt contradictionem. n. 16.

Non admitto distinctionem probabiliter probabilis, & certo probabilis.

Ibid.

Quomodo repugnet, opinionem probabiliter probabilem esse tenuiter probabilem? n. 17.

Qui format probabile iudicium de probabilitate opinionis, format iudicium prudens. n. 18.

Si due opiniones opposita sunt probabiliter probabiles, cogemur eligere tutorem, si vera est sententia adversariorum. n. 19.

Et quam sit intolerabile onus in hoc casu. n. 20.

Et quae inde implicatio contradictionis involvatur? n. 21.

Solvitur obiectio. n. 22.

15. P ræmitto primo, cum dicitur tenuis probabilitas, illud epithetum tenuis esse additum diminuens taliter, quod opinio tenuiter probabilis non potest dici absolute probabilis, aut vere probabilis. Pater assertum ex similibus. Nam cum quis dici-

dicitur habere tenuem prudentiam, non dicitur vere, & absolute esse vir prudens; imo defectus prudentiae in eo notatur. Et cum quis dicitur habere tenuem scientiam, non potest absolute dici, esse vir doctus, aut sapiens. Et cum dicimus, aliquem esse tenuiter misericordem erga pauperes, magnum defectum misericordie in eo notamus.

16. Præmitto secundo, hos duos terminos *tenuem probabilitatem* importare contradictionem, aut contrarietatem inter se. Patet. Nā vera probabilitas est, quæ ntitur fundamēto gravi, & impellente intellectū ad assēsum: sed tenuitas quoad probabilitatem dicit tenuitatem, & levitatem fundamenti, atque adeo postulat, fundamentum non esse grave: ergo hi duo termini *probabilitas*, & *tenuis* opponuntur modo dicto. Ego quidem censeo, difficilime distingui posse opinionem probabiliter probabilem ab opinione certo probabili. Et ideo, vbi latissime egī de probabilitate in 1. & 3. part. Crisis Theol., numquam vñs sum hanc distinctione. Nam apud me solum valer distincō opinionis vere probabilis, & opinionis dubie probabilis. Nam opinio dubia probabilitatis est, cum inter sapientes dubitatur de probabilitate opinionis. Cum autem omnes, aut fere omnes admittunt opinionem tamquam probabilem, illam dico vere probabilem. Admissa tamen opinione probabiliter probabili, existimo per illam perperam explicari tenuem probabilitatem.

17. Iam vero falsum esse, quod opinio probabiliter probabilis idem sit, quod opinio tenuiter probabilis; & consequenter quod opinio probabiliter probabilis daminata non maneat in hoc decreto, ostenditur primo. Nam cum dicimus, aliquam opinionem esse probabiliter probabilem, tam in primo termino, quam in escundo loquimur de vera, & absolu-

ta probabilitate: atqui repugnat, esse veram, & absolutam probabilitatem, & esse tenuem: ergo repugnat, opinionem probabiliter probabilem esse tenuiter probabilem. Probatur minor. Nam opinio tenuiter probabilis non est absolute probabilis, sed secundum quid, & cum addito diminuente. Deinde implicat contradictionem, quod iudicium reflexum de probabilitate opinionis sit probabile, & sit tenuis; cum probabile dicat fundamētum magnum; & tenuis dicat fundamētum leve: repugnat ergo, esse vere & absolute probabilem, & esse tenuiter probabilem.

18. Ostenditur secundo. Nam in practicis *Prudenter*, & *Probabiliter* sunt synonima: ergo qui format probabile iudicium de probabilitate opinionis, format iudicium prudens: sed qui ex iudicio prudenti operatur, recte operatur: ergo qui operatur ex opinione probabiliter probabili, recte operatur. Loquimur autem de probabilitate, quæ absolute, & sine addito diminuente est probabilitas.

19. Ostenditur tertio. Quia plerumque contingit, quod feramus iudicium dumtaxat probabile de probabilitate duarum opinionum invicem oppositarum. Sicut enim quando vna propositio est probabilis, communiter accidit, quod etiam eius contradictionia sit probabilis, imo & æque probabili; ita etiam frequentissimum erit, quod quando vna propositio fuerit probabiliter probabilis, eius contradictionia sit etiam probabiliter probabilis. Quid ergo tunc faciemus? Numquid non erit necesse in his casibus eligere tutiorem? Nam si sequamur minus tutam, cum iuxta adversarios ea sit tenuiter probabilis, iam huic decreto Pontificis refragaremur.

20. Est autem onus intolerabile, quod in his casibus teneamur semper eligere tutiorem. Est enim difficult-

PROPOSITIO III.

231

ficillimum discernere, quānam sit opinio certo probabilis, & quā probabiliter probabilis. Et quidem multi sunt, non solum mediocriter docti, sed etiam valde docti, qui non audeant se determinare ad electionem opinionis, nisi inventiant Authores probatos ea afferentes expresse, quā scire desideant. Cum ergo Authores non trahent hoc pūctum, an hæc, an illa opinio sint certo probabiles, an probabiliter probabiles; intolerabile erit illis, obligari vel ad discernendum inter certo probabiles, & probabiliter probabiles; vel ad eligendum semper opinionem strictiorem in omnibus casibus.

21. Ostenditur quarto. Implicat enim contradictionem, quod quando ambæ propositiones contradictiones sint probabiliter probabiles, teneamus eligere tutiorem. Quod sic demonstro in materijs iustitiae. Opinio probabilis est, quod qui intulit damnum cum solo peccato venia i, v.g ex defectu plenæ advertentiæ, non tenetur resarcire damnum; & etiam est probabilis, quā propagnat obligationem resarcīdi illud. Demus ergo, ambas propositiones non esse certo probabiles, sed probabiliter probabiles. Tunc sic. Ergo in hoc casu eligenda est opinio tutior. Sed illi damnificatori tutius est resarcire damnum illatum: ergo tenetur solvere. Deinde damnificato tutius est non recipere solutionem danni: ergo tenetur illam non recipere. Ergo ille damnificator tenetur solvere illi, qui non potest recipere solutionem. Quā est aperta implicatio contradictionis; infertur enim, quod ille damnificator tenetur solvere, & quod non tenetur.

22. Dices, idem argumentum efformari posse, quando ambæ opinions fuerit tenuiter probabiles, tunc enim, quia iuxta hoc decretum non possumus sequi opinionem tenuiter

probabilem, debebimus eligere tutiorem. Si ergo fiat id argumentum in materia iustitiae, dum ambæ opinions sibi invicem contradictentes sunt tenue probabiles; eodem modo inferetur implicatio contradictionis.

23. Respondeo, impossibile esse, quod in practicis ambæ opinions sibi invicem contradictentes sint tenuiter probabiles; sed necesse est, quod si una sit tenuiter probabilis, altera sit certa moraliter, aut fere certa. Nam si opinio, quā negat obligationem aliquam, sit tenuiter probabilis, ideo ratis est, quia illa obligatio communiter reputatur certa. Quod non accidit in dubiis opinionibus sibi invicem contradictentibus probabiliter probabili bus. Sæpe enim obligatio aliqua est in æquilibrio; & ideo circa obligationem aliquam sæpius dantur opinions æquæ probabiles.

CAPVT IV.

Alia argumenta pro impugnatione eiusdem asserti.

SUMMARIUM.

Quando Theologus consulit opinionem certo probabilem, qui accipit consilium, solum habet opinionem probabiliter probabilem. n. 24.

Ex opinionibus certo probabili bus inferuntur alie probabiliter. Et quid inde pro conclusione? n. 25.

Opinio probabiliter probabilis non generat dubium practicum. n. 27.

Si opinio probabiliter probabilis afferret dubitationem, etiam aferret certo probabilis. n. 29.

Cum assensu probabili non componitur dubitatio. n. 31.

Dilemma pro conclusione. n. n. 33.

24. **O** Stenditur quinto Nam quando Theologus consulitur

pro

pro electione opinionis, & ipse consu-
lit opinionem certo probabilem ; ille
qui audit consilium à Theologo , non
format iudicium certum de probabi-
litate opinionis, cum nescit discernere
circa fundamēta intrinseca, vel extrin-
seca eius opinionis: sed solum format iu-
dicium probabile, vt pote dumtaxat
imixtū consilio Theologi: ergo apud
illum, qui audit consilium à Theolo-
go, ea opinio solum est probabiliter
probabilis. Et tamen non est tenuiter
probabilis; nam si talis esset, nihil pro-
dēset viro illiterato consulere Theo-
logum : ergo probabiliter probabi-
lis non est tenuiter probabilis.

25. Ostenditur sexto. Sunt enim
multæ opiniones , quæ probabiliter
inferuntur ex opinionibus certo pro-
babilibus: illæ autem non possunt esse
certo probabiles ; nam sicut ex præ-
missis evidentibus , cum bonitas con-
sequentiæ est solum probabilis , non
resultat conclusio evidens , sed solum
probabilis; ita ex opinione certo pro-
babili, cum bonitate consequentiæ so-
lum probabili , non potest resultare
conclusio certo probabilis, sed solum
probabiliter probabilis.

26. Neque prodest responderi,
quod si bonitas consequentiæ fuerit
certo probabilis, opinio illata ex al-
tera certo probabili, evadet conclusio
certo probabilis. Non, inquam , id
prodest: quia dum bonitas consequen-
tiæ non fuerit evidens, saltem moraliter,
non potest participare certitudinem
à præmissis: a propositione ergo
certo probabili non potest deduci
conclusio certo probabilis, nisi boni-
tas consequentiæ fuerit , non solum
certo probabilis, sed in se ipsa certa.

27. Ostenditur septimo. Nam
ambo Authores relati nituntur funda-
mento falso , nempe , quod opinio
probabiliter probabilis necessario ge-
nerat dubium practicum circa opera-
tionem. Tum sic argumentor. Opinio

probabiliter probabilis non generat
dubium practicum circa operationem
eliendiā , habet enim rationem
probabilem, ex qua dubium pruden-
ter deponat: ergo perperam dicitur,
opinionem probabiliter probabilem
esse tenuiter probabilem. Antecedens
probatur. Nam dubium practicum de
rectitudine operationis eliciendæ , in
quo tutior pars eligenda sit, tamdiu
durat, quandiu non potest deponi per
aliquam rationem probabilem, vt do-
cui in 3. part. Cris. Theol. disp. 60.
cap. 2. num. 15. sic enim ægrotus dum
dubit, an die festo teneatur surgere
ad audiendam Missam , est in dubio
practico , dum Medicus (cuius iudi-
cium solum est probabile respectu
ægroti) illi consulit, ne surgat. Sed
qui practice dubitat de probabilitate
opinionis , & invenit rationem vere
probabilem, vt censeat opinionem ef-
fice securam, habet iam principium, per
quod deponat prudenter dubium: er-
go dum format iudicium probabile
de probabilitate opinionis , inveniens
rationem vere probabilem ad illud
iudicium formandum, habet iam mo-
dum, quo tale dubium prudenter de-
ponat. Vide quæ de hoc arguento
dixi in 3. part. Cris. Theol. disp. 56.
cap. 16. art. 1. à num. 816.

28. Nec satisfacies, si dicas , de-
poni dubium practicum ex ratione
certo probabili, non autem ex ratio-
ne probabiliter probabili. Nam hoc
esset, inducere in conscientias homi-
num ingentem scrupulorum anxieta-
tem, dum non solum petitur, quod in
opinionibus controversis inter Au-
thores eligenda sit opinio certo pro-
babili, sed etiam quod in rationibus
probabilibus, quibus homines guber-
nant suas actiones in dubijs , quæ oc-
currunt, non sufficiat ratio probabiliter
probabilis, sed quærenda sit ratio
certo probabilis. Vnde ægrotus , qui
ex consilio Medici non surgit in die
festo

PROPOSITIO III.

233

festo ad audiendam Missam; debet inquirere, an Medicus ille sit peritissimus suæ artis, an mediocriter peritus, vt consideret, an ratio probabilis de-

sumpta ex eo consilio Medici, sit certo probabilis, an probabiliter probabilis. Qui scrupulizandi modus passim occurrit in sexcentis alijs, in magnam desolationem conscientiarum.

29. Ostenditur octavo. Si enim opinio probabiliter probabilis secum aferret dubitationem, etiam certo probabilis aferret secum dubitationem: ergo neque certo probabilis posset reduci ad proxim. Antecedens probatur. Nam vel omnis probabilitas afferret secum dubitationem, vel solum illam afferret probabilitas reflexa? Si primum dicatur, infero: ergo etiam opinio certo probabilis afferret secum dubitationem; nam bene valet ab universalis affirmativa ad particularem sub universalis contentam.

30. Si vero dicas secundum, nempe solam probabilitatem, quæ reflextur supra probabilitatem, aferret dubitationem; contra est: nam id esset, quia ille terminus certo aufert dubitationem in opinione certo probabilis: sed id est falsum: ergo. Probatur minor: quia is terminus certo potest cadere supra dubium; est enim certum, quod ego dubito, an crines Adami fuerint rubri. Si ergo terminus probabilis, aut probabiliter afferret dubitationem, certo probabilis afferret certo dubitationem. Sicut quia opinio, probabilis in conceptu suo essentiali afferret, quod sit incerta, id est, nec certa, nec certo falsa; ideo opinio certo probabilis afferret etiam in suo conceptu, esse certum, quod illa sit incerta.

31. Ostenditur nono. Nam, vt demonstravi in 1. part. Cris. Theolog. di p. 6. cap. 1. Quamvis possit dari dubitatio inter motiva probabilia invicem adversantia; at cum assensu probabilis non componitur dubitatio de-

codem obiecto, aut de eius opposito, & implicat contradictionem, quod componantur assensus probabilis, & dubitatio: nam dubitare est suspendere assensum quasi in æquilibrio, ita ut neutri parti praeter assensum: sicut ergo implicat, quod intellectus habeat assensum obiecto, & simul suspendat assensum; ita implicat, quod habeat assensum probabilem, & simul habeat dubitationem.

32. Tum sic. Ergo impossibile est, quod intellectus habeat iudicium reflexum probabile de probabilitate opinionis A., & quod habeat dubitationem de probabilitate opinionis A. Hæc consequentia manifeste infertur ex Antecedente; sicut ex propositione universalis infertur particularis sub eâ contenta. Ergo impossibile est, quod qui habet iudicium probabile reflexum de probabilitate opinionis, obstringatur ad deferendum in praxi eam opinionem propter dubitationem de probabilitate eius; cum non possit intellectus capere eam dubitationem simul cum eo iudicio probabili. Et quidem illi duo Authores confundunt dubitationem cum formidine; quæ sunt res longe diversæ: & assensus probabilis optime componitur cum formidine, non autem cum dubitatione, ut late ostendi in 3. part. Cris. Theol. disp. 5. 6. cap. 17. art. 5.

33. Ostenditur decimo. Nam id assertum, quod ambo Authores affirman, nempe opinionem probabiliter probabilem damnari in hoc decreto Innocentij XI. sub nomine tenuis probabilitatis, vel est certum, vel dubium, vel probabile. Si dicant, esse certum; contra est: Quomodo enim potest esse certum, quod nütitur in mera æquatione confundente formidine cum dubitatione, ut ostensum est? Si dixerint esse dubium, inde evidenter infertur, non debere dici damnatam opinionem probabiliter probabilem;

Gg cum

cum ob solum dubium nemo damnandus sit. Si vero dicant, id esse probabile, interrogo, an sit probabiliter probabile, vel certo probabile? Si pri-
mum, cum apud ipsos probabiliter probabile involvat dubitacionem de
probabilitate; ea dubitatio non est sufficiens, ut dicatur absolute damna-
ta aliqua opinio. Præter quam quod
cum ipsi dicant, opinionem probabi-
liter probabile manere damnatam,
si id eorum assertum est probabiliter
probabile, manebit etiam damnatum
per hoc decretum. Si vero dicatur id
eorum assertum esse certo probabile,
adhuc ea probabilitas non sufficit, ut
damnata censeatur per hoc decretum.
Innocentij, opinio probabiliter pro-
babilis: nam in dubijs, & probabilibus
semper standum est pro reo: Cum er-
go hi duo Authores opinionem pro-
babiliter probabilem impetant tam-
quam ream tenuis probabilitatis, stan-
dum est pro opinione probabiliter
probabili, dum de damnatione non
constat plusquam probabiliter. Præter
quam quod non potest esse certo pro-
babile, quod sola æquivocatione ful-
citur, per quam formido cum dubita-
tione confunditur.

CAPVT V.

*Quænam sit opinio tenuiter pro-
babilis, quæ in hoc decreto
damnatur?*

SVMMARIVM.

*Opinio tenuiter probabilis est de cuius
probabilitate dubiatur; & valde
differt ab opinione probabiliter pro-
babili. n. 34.*

*Opinio tenuiter probabilis eadem est, ac
opinio dubia probabilitatis. n. 35. Et
quænam sint motiva ad dubitandum
de probabilitate? Ibidem.*

*Probabilitas dubia involvit dubium
practicum. n. 36.*

*Ten-
nis probabilitas affert etiam dubium
practicum. n. 37.*

*Prima pars conclusionis probatur. n. 38.
Ostenditur opinionem tenuiter probabi-
liem diversam esse à probabiliter
probabili. n. 39.*

*Exempla opinionum tenuiter probabi-
lium. n. 40. remissive.*

34. **S**It conclusio. Opinio tenuiter
probabilis, quæ in hoc decre-
to damnatur, est illa, quæ quamvis
habeat probabilitatem apparentem,
plures tamen viri sapientes dubitant
de eius probabilitate; vel de cuius
probabilitate merito dubitatur: & quæ
talis est, nullo modo est probabiliter
probabilis, sed dubie probabilis. In
priori parte conclusionis convenio
cum Lumbierio, & Filguera citatis, in
posteriori autem discentio quam lon-
gissime ab eis.

35. Ergo iuxta priorem partem
conclusionis in idem recedit opinio te-
nuis probabilitatis, & opinio dubia
probabilitatis, & de hac late dixi in 3.
part. Cris. Theol. disp. 56. cap. 9. art. 3.,
vbi num. 599. proposui motiva, quæ
esse solent ad dubitandum rationabi-
liter de probabilitate opinionis in hæc
verba: [Primo dubito de probabili-
tate opinionis, quando Author, qui
illam docet, non est omni exceptione
maior iuxta dicta disp. 15. Et ratio,
qua nititur, opinio, mihi non satis-
facit, nec videtur omnino firma.
Secundo. Cum Author unus, vel alter
singularem docet opinionem, nec dat
rationem, qua nititur. Tertio. Cum
unus, vel alter docet opinionem, &
plures alij dicunt, vel esse improbabili-
lem, vel parum tutam, vel male audi-
re apud Theologos, vel illam non esse
audiendam, aut esse reiiciendam.
Quarto. Quando datur principium
certum, & dubitatur, an ei repugnet
opinio, nec proponatur ratio sufficien-
ter firma ad deponendum dubium.

Quid.

Quinto. Cum dubitatur, an ratio conclusionis sit levis, an gravis, & firma.] Hucvsque ibi. Et quoad hoc vltimum, nomine rationis levis, etiam intelligitur ea, quæ sophistica est, vel laborat in æquivoco. Vbi ergo hæc motiva inventa fuerint, dicendum erit, opinionem esse tenuiter probabilem.

36. Deinde de probabilitate dubia (id est, quando dubitatur de probabilitate) dixi ibidem, illam esse dubium practicum, in quo tutior pars amplectenda est ad praxim; ita vt in materia gravi sit peccatum mortale non sequi partem tutiorem. Et ratio est: quia in quolibet dubio de materia practica, dubium est practicum, dum non occurrat ratio probabilis (intrinseca, vel extrinseca) virtute cuius intellectus deponat dubium: si ergo de probabilitate ipsius rationis dubitatur, quomodo virtute talis rationis probabilis deponetur dubium.

37. Similiter ergo de probabilitate tenui discurrendum est, & dicendum, in probabilitate tenui contineri dubium practicum, in quo tutior pars ex obligatione sequenda est in praxi. Nam ipsa tenuitas probabilitatis non est sufficiens ad deponendum dubium, quod occurrit.

38. Ex quibus manifeste patet prior pars conclusionis, nempe opinionem tenuiter probabiliem esse illam, de cuius probabilitate multi viri docti dubitant; aut quando de tali probabilitate merito dubitatur. Tumquia, cum non sit tenuiter probabilis ea, quæ est minus probabilis, & minus tuta materialiter, neque ea, quæ est probabiliter probabilis, vt ex decursu huius dissertationis constat; nihil aliud restat, in quo possit consistere tenuitas probabilitatis. Tum etiam quia non potest dici tenuiter probabilis, quæ est certo falsa, vel certo improbabilis; rursum, vt ex hac damnatione constat, non potest dici

sufficienter probabilis ad regendam conscientiam: ergo solum potest dici tenuiter probabilis ea, quæ quamvis habeat aliquam probabilitatem apparentem, generat dubium practicum, in quo tutior pars eligenda sit. Ergo tenuiter probabilis dicenda est illa, de cuius probabilitate merito dubitatur apud sapientes.

39. Secunda pars conclusio- nis, nempe quod ea opinio, de cuius probabilitate merito dubitatur, non sit probabiliter probabilis, satis constat ex dictis cap. 3. & 4. Et vltius ostendit. Nemo enim format iudicium probabile de parte minus tuta in eo, circa quod habet dubium practicum, in quo tutior pars sequenda est: sed de probabilitate opinionis tenuiter probabilis habetur dubium practicum, in quo tutior pars sequenda est, vt constat ex dictis: ergo nemo formare potest iudicium probabile de eius probabilitate. Ergo ea non potest esse probabiliter probabilis.

40. Huius generis opinionum tenuiter probabilium, quæ, vt satis ostendi, nihil differunt ab opinionibus dubijs probabilitatis, multa exempla dedi in part. 3. Cris. Theolog. tract. 4. & in hoc opere disert. 1. cap. 6. Legat, qui volet.

CAPVT VI.

Satisfit argumentis cap. 2. propositis.

SVMMARIUM.

Qui format iudicium probabile de probabilitate opinionis, non habet dubium practicum de illa, sed potius iudicium reflexum certum. num. 41. Cancellarius ille dubitavit de probabilitate opinionis, & ideo damnatus fuit. n. 42. & 43.

Gg 2 Qua-

Quare qui sequitur opinionem probabilitatem probabilem, non se commitat discrimini. Ex S.Thoma. n.43.

Discrimen inter dubitationem, & formidinem. n.44.

Dum quis sequitur opinionem probabilitatem probabilem, ultimum iudicium de honestate opinionis non est probabile, sed certum. n.46.

Tenuis probabilitas non est talis respective, se absolute. n.47.

cidit in dubium practicum, in quo tertia pars amplectenda est; & cum eam non amplexus fuerit, commisit se periculo peccandi, atque adeo peccavit. Et constat ex celebri textu S. Thomae *S. Th.* quod lib. 8. art. 13. agens de ea quaestione [An liceat habere plures praebendas?] Si manente dubitatione plures praebandas habet, periculo se committit, & sic procul dubio peccat... Aut ex contrarijs opinionibus in nullam dubitationem adducitur; & sic non committit se discrimini, nec peccat. Vide quæ de hoc late dixi 3. part. Cris. Theolog. disp. 56. cap. 17. art. 4. num. 942.

43. Ex hoc textu S. Thomæ evidens argumentum desumitur ad probandum, non peccare eum, qui sequitur opinionem probabilitatem probabilem. Nam iuxta S. Thomam, *si ex contrarijs opinionibus in nullam dubitationem adducitur, non committit se discrimini, nec peccat.* Sed opinio probabilitatem probabilis non adducit necessario in dubitationem; cum affert rationem probabilem, per quam expellat, & deponat dubitationem: ergo qui ducitur opinione probabilitatem probabilis, non committit se discrimini.

44. Et sane in æquivoco laborant, qui non attendunt ad ingens discrimen, quod datur inter formidinem, & dubitationem. Nam assensus probabilis non est compossibilis cum dubitatione; est autem comp̄ssibilis cum formidine. Iudicium autem reflexum de probabili opinione sequenda, quæ secum affert formidinem, certum est, & ideo quāvis habeat pro obiecto opinionem cum formidine; ipsum autem iudicium reflexum nullam habet formidinem.

45. Ergo ad id, quod subiungit obiectio, dicendum est, Cancellarium vel dubitasse de probabilitate opinionis, vel non habuisse iudicium certum de sequenda licite opinione probabili: atque

41. **A**d primum ex Lumbierio, contendente, opinionem probabilitatem probabilem esse tenuiter probabilem, respondeo negando antecedens, quod qui operatur ex opinione probabilitatem probabili, non reddit se tutum à peccato: nam qui format iudicium probabile, & prudens de probabilitate opinionis, habet rationem probabilem ad deponendum dubium de ea probabilitate, atque adeo non dubitat practice de tali probabilitate; & habet tertium aliud iudicium, illud quidem reflexum & certum, quod qui operatur ex iudicio probabili, & prudenti, recte operatur; iuxta dicta sèpius in 1. part. Cris. Theol. disp. 15. & in 3. part. disp. 56. Vnde falso est, quod subiungitur in eo antecedenti, quod tunc formidat, an re ipsa peccabit, nam id iudicium tertium reflexum est certum, atque adeo expellit omnem formidinem. Vide quæ dixi in 3. part. Cris. Theol. disp. 56. cap. 18. num. 975. ex Illustrissim. *Tapia.* Archiepisc. Petro de Tapia. Ex quibus patet, falsas esse consequentias inde deductas.

42. Ad secundum respondeo, si Cancellarius dixit, se esse damnatum, quia contra sententiam plurimorum de illicita retentione plurium Beneficiorum, ad proxim deduxit oppositam opinionem, ita se exportens periculo peccandi; id ita contigit, quia dubitans de probabilitate opinionis in-

atque adeo formidasse, an re ipsa pecaret. Qui enim caret ultimo iudicio certo de rectitudine sue operationis, exponit se periculo probabili peccandi, ut late docui in 1. part. Cris. Theol. disp 56. cap 18.

46. Ad tertium constat ex proxime dictis. Concedo enim maiorem, quod non sufficit iudicium, quo quis probabiliter censeat, se non peccatum, sed requiri, quod ultimum iudicium, quo quis iudicet, se non peccatum, exercendo talem actionem, esse certum; & nego minorem, quod dum quis sequitur opinionem probabiliter probabilem, ultimum iudicium sit dimitaxat probabile. Nam iudicium probabile, quo quis indicat probabiliter, eam opinionem esse probabilem, non est ultimum iudicium, quo quis iudicat de rectitudine operationis a se elicendae. Patet. Nam iste sunt longe diversae propositiones: Prima. Hac opinio A. est probabilis. Secunda. Si sequor hanc opinionem A. recte operor. Quarum prima potest esse probabilis, & secunda debet esse certa, ut excludat periculum probabile peccandi. Quod si secunda afferat formidinem, non erit certa, atque adeo non manebit homo securus de rectitudine sue operationis. Vide quæ dixi iu loco proxime citato.

47. Ad quartum ex Filguera respondeo, tenuem probabilitatem non debere talem censeri respective, sed absolute; & ita quamvis opinio probabiliter probabilis videatur tenuiter probabilis comparative ad certo probabilem; absolute tamen non est tenuiter probabilis. Alioquin omnis opinio probabilis esset tenuiter probabilis: quia probabilis respectu certi est aliqui d. tenuer. Dicerimen autem, quod constituit Filguera inter opinionem probabiliter probabilem, & certo probabilem, perperam constituitur, eo quod confundit iudicium, quod sit

de probabilitate opinionis A., & iudicium ultimum, quod fit de rectitudine operationis hic & nunc elicendæ. Etenim postquam homo elicuit iudicium probabile de probabilitate opinionis A., mox videns certum esse, quod licitum est sequi veram, & solidam probabilitatem, format iudicium ultimum certum de rectitudine operationis a se elicendæ.

CAPVT VII.

An incurrat hanc damnationem propositio docens, in gravissima necessitate posse nos sequi opinionem tenuiter probabilem? Et quomodo haec opinio intelligenda sit?

SVMMARIVM.

Hac propositio non subiacet damnationi. n. 49.

Difficultas de dubio pratico in necessitate gravissima. num. 50.

Altera difficultas de casibus, in quibus necessitas gravissima permitit tenuem probabilitatem. n. 41.

Quomodo necessitas gravissima augeat probabilitatem? n. 52.

Quomodo id contingat in Baptismo? n. 53.

Quomodo gravis necessitas in multis casibus auferat irreverentiam? n. 54.

Quomodo in casu excommunicati necessitas augeat probabilitatem? n. 55.

Alius casus similis in materia Matrimonij. n. 56.

Regula ad cognoscendum, quenam sit gravis necessitas, in qua liceat uti opinione tenuiter probabili. n. 58.

IN

48. **N** 1. part. Cris. Theol. disp. 9. cap. 8. num. 133. retuli opinionem docentem, in extrema, aut gravissima necessitate licitum esse uti opinione tenuiter probabili; & in 3. part. disp. 79. cap. 2. num. 20. usus sum hac sententia ad probationem conclusionis ibi traditæ. Quam sententiam docent *Navarrus* cap. *Inter verba*. in 2. edit. coroll. 53. num. 135. *Sotus de Scr. Sotus.* membr. 3. quæst. 2. conclus. 3. P. Thom. *Sanch.* Sanchez lib. 2. de Matrim. disp. 36. nu. 8. & lib. 1. *Sum cap. 9. num. 25.*

Navar.
Sotus.
Sanch.

Filgu.

49. Quæritur ergo in præsenti, an hæc propositio [quod in gravissima necessitate eligere possimus opinionem tenuiter probabilem,] subeat hanc damnationem? In 3. part. Cris. Theol. loco proxime citato hanc dubitationem breviter discussi. Et, ut ibi dem notavi, Emmanuel de Filguera, me citato, afferuit, hanc opinionem minime subiacere huic damnationi. Quod optime probat. Damnatur enim propositio afferens, *generatim* licere uti opinione tenuiter probabili; nostra autem assertio non affirmat, id licere *generatim*, sed solum in gravissima necessitate.

50. Restant tamen duæ difficultates discutiendæ. Prima est. Diximus enim, tenuem probabilitatem esse, cum dubitatur de ipsa probabilitate, quæ propterea non potest esse sufficiens ad deponendum dubium; atque adeo dubium est practicum, in quo tutior pars eligenda est: sed neque in necessitate gravissima possumus operari cum dubio practico: ergo neque in necessitate gravissima possumus uti opinione tenuiter probabili.

51. Secunda difficultas est. Autores, qui concedunt, posse in necessitate gravissima eligi opinionem tenuiter probabilem, dicunt id aliquando posse admitti. Non enim fieri potest in omnibus præceptis, maxime iuriis naturalis, & Divini. Difficultas er-

go consistit in tradendo regulam, per quam cognoscatur, quando liceat in necessitate gravissima uti opinione tenuiter probabili.

52. Pro vtraque ergo difficultate dissolvenda sciendum est, plerumque ipsam necessitatem gravissimam afferre rationem specialem pro augenda probabilitate intrinseca opinionis; ita ut licet rationes opinionis alioqui sint tenues, ipsa gravissima necessitas augeat vim probabilitatis earum. Cuius assertionis multa suppetunt ex ampli.

53. Primum. Baptizare infantem in materia dubia, puta in lixivio, aut in iuscule, extra casum necessitatis, est grave piaculum. Si vero infans sit in articulo mortis, neque sit materia certa, ipsa necessitas tanti ponderis est, vt illud reddat licitum.

54. Secundū desumi potest à multis actionibus, quæ afferunt irreverentiam rebus sacris, à quibus tamen, si gravis accedit necessitas, hæc aufert irreverentiam. Nam currere per Templum est irreverentia; si quis autem currat fugiens Taurum, vel Leonem ingressum in Templum, necessitas ipsa aufert irreverentiam. Magna est etiam irreverentia, quod homo non ieiunus accipiat Eucharistiam; si vero intrarent in Ecclesiam hæretici cum periculo conculcandæ Eucharistie, necessitas efficeret, ne villa esset irreverentia, quod homo non ieiunus consumeret Eucharistiam, si alias non inveniretur ieiunus.

55. Tertium est, quod supra proposui disertatione 2. cap. 5. art. 8. nempe excommunicatum, qui satisfecit, & per contritionem ad statum gratiæ pervenit, nec per ipsum stat, quominus absolvatur, posse in casu gravis necessitatis accipere Sacramentum Poenitentie, quin contraveniatur damnationi primæ propositionis, de non sequēda opinione probabili circa valore, relicta tutioni. In quo casu gravis

necessitatis reddit licitum per suam vim intrinsecam rationis, quod alias esset illicitum. Nam, ut ibidem ostendi, necessitas ynius partis, & impossibilitas partis oppositae sunt relativae, & invicem connexae: quare cum praesato excommunicato adsit necessitas gravis recipiendi Sacramentum poenitentiae, in eodem genere datur impossibilitas omittendi confessionem. Ex qua necessitate, & impossibilitate fit, quod quamvis ille excommunicatus sequatur opinionem probabilem circa valorem Sacramenti, non tamen sequitur illam relictam tutiori: non enim dicitur relinquere tutiorem, qui habet impossibilitatem illam sequendi; sicut non dicitur relinquere cursum, qui obstrictos vinculis habet pedes. Præter rationem, quæ desumitur ex favore quo Ecclesia favet urgentissima necessitatibus in ordine ad recipienda Sacra menta. De quo dixi in loco cit.

56. Eiusdem generis est casus, quem proponit P. Thomas Sanchez, lib. 2. de Matrimonio loco supra citato. Afferit enim esse parum probabilem opinionem eorum, qui dicunt, quando contracto Matrimonio unus coniux advertit impedimentum dirimēs, posse (obtenta dispensatione) revalidari Matrimonium, quamvis alter coniux sit inscius impedimenti. Et tamen afferit, illud re ipsa posse revalidari ad normam eius opinionis, scilicet inscio impedimenti altero coniuge, si virga et gravissima necessitas, qualis esset, si ante contractum Matrimonium foemina illicite copulata fuisset cum fratre sui viri, neque inveniri posset modus, quo sine manifestatione proprii delicti posset declarare impedimentum dirimens suo viro, sed esset periculum magni scandali. Ratio autem, quare magna illa necessitas tacendi impedimentum, & impossibilitas illud declarandi faciat, quod possit deduci ad primum ea opinio parum pro-

babilis, quæ versatur circa valorem & alias est minus tuta, haec est: Tum quia impossibilitas moralis adeo virginis efficit, quod non possit eligi ad proximam opinionem tutior, atque adeo non verificatur, quod eligitur opinio probabilis circa valorem, relictam tutiori, propter dicta. Tum etiam quia cum Matrimonium sit materia favorabilis ex iure Ecclesiastico, videtur Ecclesia velle in tali impossibilitate morali favere Matrimonio, ut revalidetur eo modo, quo non sequantur scandala adeo gravia. Similis etiam est casus, quem proposui in 3. part. Cris. Theol. loco supra citato.

57. Hinc facile est dissolvere utramque difficultatem supra propostam. Ad primam distinguenda est maior: nam tenuis probabilitas affert dubium practicum [extra gravissimam necessitatem]; non sic intra illam: quia gravissima necessitas extrahit opinionem à sua tenuitate; & addit probabilitati pondus rationis, vi cuius opinio pro ea necessitate non est tenuiter probabilis, sed potius absolute probabilis.

58. Ad secundam difficultatem solvendam ea regula tradenda est, tunc licetū esse in gravissima necessitate uti opinione alioqui tenuiter probabilis, quia modo ipa necessitas affert ab intrinseco pondus rationis, vi cuius opinio pro illo casu necessitatis fiat absolute probabilis, ut in casibus supra memoratis.

Dis